



বাংলাদেশ ব্যাংক
প্রধান কার্যালয়
মতিঝিল, ঢাকা-১০০০
বাংলাদেশ।
website: www.bb.org.bd

ব্যাংকিং প্রবিধি ও নীতি বিভাগ

বিআরপিডি সার্কুলার লেটার নং-৪২

২৬ অক্টোবর ২০২২
তারিখঃ -----
১০ কার্তিক ১৪২৯

ব্যবস্থাপনা পরিচালক/প্রধান নির্বাহী
বাংলাদেশে কার্যরত সকল তফসিলি ব্যাংক ও আর্থিক প্রতিষ্ঠান।

প্রিয় মহোদয়,

**নভেল করোনা ভাইরাস (কোভিড-১৯) এর প্রাদুর্ভাবের কারণে ক্ষতিগ্রস্ত বৃহৎ শিল্প ও সার্ভিস
সেক্টরে ওয়ার্কিং ক্যাপিটাল বিনিয়োগ সুবিধা প্রদানের লক্ষ্যে প্রাক-অর্থায়ন (প্রি-ফাইন্যান্স) প্রসঙ্গে।**

শিরোনামোক্ত বিষয়ে ১২ ও ২৩ এপ্রিল ২০২০ তারিখে জারিকৃত বিআরপিডি সার্কুলার নং যথাক্রমে ৮ ও ১০ এর প্রতি দৃষ্টি আকর্ষণ করা যাচ্ছে।

২। বাংলাদেশ ব্যাংক হতে ২৩ এপ্রিল ২০২০ তারিখে জারিকৃত বিআরপিডি সার্কুলার নং-১০ এর মাধ্যমে বাংলাদেশে কার্যরত তফসিলি ব্যাংক/আর্থিক প্রতিষ্ঠানসমূহকে নভেল করোনা ভাইরাসে ক্ষতিগ্রস্ত বৃহৎ শিল্প ও সার্ভিস সেক্টরে ওয়ার্কিং ক্যাপিটাল বিনিয়োগ সুবিধা প্রদানের লক্ষ্যে পুনঃঅর্থায়ন স্কিমের মাধ্যমে তহবিল সরবরাহ করা হচ্ছে। পুনঃঅর্থায়ন স্কিমের আওতায় তহবিল সংগ্রহ শরীয়াহ অনুবর্তী না হওয়ায় শরীয়াহ ভিত্তিক পরিচালিত ব্যাংক/আর্থিক প্রতিষ্ঠানসমূহ আলোচ্য পুনঃঅর্থায়ন স্কিমের আওতায় তারল্য সুবিধা গ্রহণ করতে পারছে না। এতদপ্রেক্ষিতে, শরীয়াহ ভিত্তিক পরিচালিত ব্যাংক/শাখা বা উইন্ডো এবং আর্থিক প্রতিষ্ঠানসমূহকে আলোচ্য পুনঃঅর্থায়ন স্কিমের আওতায় বরাদ্দকৃত তারল্য সুবিধা পুনঃঅর্থায়ন পদ্ধতির পরিবর্তে শরীয়াহ সম্মত প্রাক-অর্থায়ন (প্রি-ফাইন্যান্স) পদ্ধতিতে তহবিল প্রদানের সিদ্ধান্ত গৃহীত হয়েছে।

৩। এলক্ষ্যে ১২ এপ্রিল ২০২০ তারিখে জারিকৃত বিআরপিডি সার্কুলার নং-৮ এর ৭(ঝ) অনুচ্ছেদ নিম্নরূপভাবে প্রতিস্থাপিত হবে-

ঝ) বাংলাদেশ ব্যাংকের সম্মতি পত্র প্রাপ্তির পর ব্যাংক নিজস্ব ঋণ/বিনিয়োগ নীতিমালার আওতায় প্রয়োজনীয় কার্যক্রম সম্পন্ন করে নিজস্ব তহবিল হতে ঋণ/বিনিয়োগ বিতরণ করবে। তবে, শরীয়াহ ভিত্তিক পরিচালিত ব্যাংক/আর্থিক প্রতিষ্ঠানের ক্ষেত্রে সম্ভাব্য গ্রাহকদের বিনিয়োগ প্রদানের লক্ষ্যে বাংলাদেশ ব্যাংক হতে সম্মতিপত্র প্রাপ্তির পর ব্যাংক নিজস্ব অর্থায়নে ৫০% বিনিয়োগ করবে। অবশিষ্ট ৫০% বিনিয়োগ সম্মতিপত্র প্রাপ্তির পরবর্তী ১০ কর্মদিবসের মধ্যে প্রদানের উদ্দেশ্যে প্রাক-অর্থায়নের (প্রি-ফাইন্যান্স) জন্য বাংলাদেশ ব্যাংকের নিকট আবেদন করতে হবে। বাংলাদেশ ব্যাংক হতে প্রাক-অর্থায়ন (প্রি-ফাইন্যান্স) হিসেবে অর্থ প্রাপ্তির পর ব্যাংক/আর্থিক প্রতিষ্ঠান অবশিষ্ট ৫০% অর্থ বিনিয়োগ করবে। তবে, বাংলাদেশ ব্যাংক হতে যেদিন অর্থ ছাড় করা হবে সেদিন হতেই রেস্ট্রিকটেড মুদারাবাহ্ টার্ম ডিপোজিট এর উপর ধার্যকৃত মুনাফা হারে মুনাফা হিসাবায়ন করতে হবে।

চলমান পাতা/০২

৪। এছাড়া, ২৩ এপ্রিল ২০২০ তারিখে জারিকৃত বিআরপিডি সার্কুলার নং-১০ এর ২(৫) অনুচ্ছেদ নিম্নরূপভাবে প্রতিস্থাপিত হবে-

(৫) সুদ/মুনাফার হার : সুদ/মুনাফার হার হবে ৪.০০% (চার শতাংশ), যা ত্রৈমাসিক ভিত্তিতে (মার্চ, জুন, সেপ্টেম্বর ও ডিসেম্বর ভিত্তিক) আরোপিত হবে। তবে, শরীয়াহ ভিত্তিক পরিচালিত ব্যাংক/আর্থিক প্রতিষ্ঠানের ক্ষেত্রে গ্রাহক পর্যায়ে শুধুমাত্র মুরাবাহা পদ্ধতিতে বিনিয়োগ প্রদান করার শর্তে প্রাক-অর্থায়ন (প্রি-ফাইন্যান্স) পদ্ধতিতে তারল্য সুবিধা প্রদান করা হবে। সেক্ষেত্রে, গ্রাহক পর্যায়ে মুনাফার হার হবে ৯%। এর মধ্য হতে ১% মুনাফা Profit Equalization Reserve (PER) হিসেবে রাখার পর অবশিষ্ট মুনাফার ৫০% মুদারিব এবং ৫০% সাহিবুল মাল-কে প্রদেয় হবে। সাহিবুল মাল বা বাংলাদেশ ব্যাংক-কে প্রদেয় মুনাফা প্রভিশনাল রেটে (বছর শেষে চূড়ান্ত মুনাফার সাথে সমন্বয়ের শর্তে) ত্রৈমাসিক ভিত্তিতে আরোপিত হবে। চূড়ান্ত মুনাফা সমন্বয়ের ক্ষেত্রে প্রয়োজনে PER ব্যবহার করা যাবে। এতদ্ব্যতীত, সাহিবুল মাল এর মূলধন ক্ষতিগ্রস্ত হলে করণীয় বিষয়ে পরবর্তীতে নির্দেশনানুযায়ী ব্যবস্থা গৃহীত হবে। তাছাড়া, মুদারিবের অবহেলা, অসদাচরণ বা চুক্তির কোন শর্তের ব্যত্যয় এর কারণেও সাহিবুল মালের মূলধন ক্ষতিগ্রস্ত হলে মুদারিব হতে ক্ষতিপূরণ আদায় করা হবে।

৫। সূত্রোল্লিখিত সার্কুলারসমূহে বর্ণিত অপরাপর বিধি-বিধান ও নির্দেশ অপরিবর্তিত থাকবে।

৬। ব্যাংক কোম্পানী আইন, ১৯৯১ এর ৪৫ ধারা এবং আর্থিক প্রতিষ্ঠান আইন, ১৯৯৩ এর ১৮ ধারায় প্রদত্ত ক্ষমতাবলে এ নির্দেশনা জারি করা হলো। এ নির্দেশনা অবিলম্বে কার্যকর হবে।

আপনাদের বিশ্বস্ত



(মাকসুদা বেগম)

পরিচালক (বিআরপিডি)

ফোনঃ ৯৫৩০২৫২